



Broj: 02-05-20422-3.1/11  
Sarajevo, 23.06.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **23. sjednici održanoj 23.06.2011. godine**, donijela je sljedeći

## ZAKLJUČAK

1. Utvrđuje se Prijedlog odluke o davanju saglasnosti na Odluku o zaduženju kod UniCredit bank d.d. Mostar za kredit u iznosu od 5.000.000,00 KM.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

**P R E M I J E R**

**Fikret Musić**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. A r h i v a





Broj: 02-05-20422-3/11  
Sarajevo, 23.06.2011. godine

Na osnovu čl. 21. st. (4) i (5) i 23. Zakona o dugu, zaduživanju i garancijama u Federaciji BiH („Službene novine FBiH“, br. 86/07, 24/09 i 44/10), i čl. 22. i 24. stav (2) Zakona o Vladi Kantona Sarajevo („Službene novine Kantona Sarajevo“, broj: 24/03 - Prečišćen tekst), Vlada Kantona Sarajevo, na **23. sjednici održanoj 23.06.2011. godine**, donijela je

## **ODLUKU**

### **o zaduženju kod UniCredit bank d.d. Mostar za kredit u iznosu od 5.000.000,00 KM**

#### **I**

Kanton Sarajevo (u daljem tekstu: Kanton) zadužuje se kod UniCredit bank d.d. Mostar (u daljem tekstu: Banka) za kredit u iznosu od 5.000.000,00 KM.

#### **II**

Kreditna sredstva iz tačke I ove odluke namijenjena su za finansiranje kapitalnih projekata, prema članu 5. Budžeta Kantona Sarajevo („Službene novine Kantona Sarajevo“, broj: 08/11).

#### **III**

Kreditna sredstva Banka odobrava pod slijedećim uslovima:

- iznos kredita.....5.000.000,00 KM
- rok otplate.....5 godina
- grace period.....2 godine (uključen u rok otplate)
- kamatna stopa.....5,82% na godišnjem nivou
- naknada za obradu zahtjeva za pravna lica.....5.000,00 KM jednokratno, unaprijed

#### **IV**

Ugovor o kreditu između Kantona i Banke, kao i ugovorene instrumente osiguranja koji proizlaze iz kreditnog sporazuma iz osnova ove odluke, potpisat će Ministar finansija Kantona Sarajevo.

#### **V**

Kanton će izdati bjanko ovjerene mjenice sa ovlaštenjem za popunu kao instrument obezbjeđenja kredita, a u skladu sa Ugovorom iz tačke IV ove odluke.

#### **VI**

Tehnički dio projekta koji će se finansirati iz ovog kredita realizovat će resorna ministarstva Kantona čiji će se projekti finansirati iz kredita.

#### **VII**

Za implementaciju projekata i praćenje realizacije ove odluke zadužuju se resorna ministarstva i Ministarstvo finansija, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona.

## VIII

Ova odluka stupa na snagu po davanju saglasnosti od strane Skupštine Kantona Sarajevo, a objavit će se u „Službenim novinama Kantona Sarajevo“.

**P R E M I J E R**

**Fikret Musić**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Vlade Kantona Sarajevo
4. Ministarstvo finansija
5. Ministarstvo saobraćaja
6. Ministarstvo privrede
7. Ministarstvo obrazovanja i nauke
8. Za objavu u „Službenim novinama Kantona Sarajevo“
9. Evidencija
10. A r h i v a



web: <http://vlada.ks.gov.ba>  
e-mail: [premijer@ks.gov.ba](mailto:premijer@ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**SKUPŠTINA KANTONA SARAJEVO**

**O D L U K A**  
**o davanju saglasnosti na Odluku o zaduženju kod UniCredit bank. d.d.**  
**Mostar za kredit u iznosu od 5.000.000,00 KM**

**Sarajevo, juni 2011. godine**

Na osnovu čl. 18. tačka b) i čl. 38 stav (1) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 04/01, 28/04, i 31/04), čl. 46. Zakona o budžetima u FBiH („Službene novine FBiH“, br. 19/06, 76/08, 5/09, 32/09, 9/10, 36/10 i 45/10), čl. 21. st. (3) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 8/07, 24/09 i 44/10) i Poglavlja II Procedura zaduživanja Kantona Sarajevo na osnovu vanjskog i unutrašnje duga i izdavanja garancija („Službene novine Kantona Sarajevo“, broj 10/11) Skupština Kantona Sarajevo, na \_\_\_sjednici održanoj \_\_\_\_\_ 2011. godine, donijela je

## **O D L U K U**

### **o davanju saglasnosti na Odluku o zaduženju kod UniCredit bank d.d. Mostar za kredit u iznosu od 5.000.000,00 KM**

#### **I**

Daje se saglasnost na Odluku o zaduženju kod UniCredit bank d.d. Mostar za kredit u iznosu od 5.000.000,00 KM, broj: 02-05-20422-3/11 od 23.06.2011.godine, koju je donijela Vlada Kantona Sarajevo.

#### **II**

Ova odluka stupa na snagu narednog dana od dana objave u „Službenim novinama Kantona Sarajevo“.

Broj: 01-05- /11,  
Sarajevo, 2011.godine

**Predsjedavajuća**  
**Skupštine Kantona Sarajevo**  
**Prof. dr. Mirjana Malić**

## O b r a z l o ž e n j e

### Pravni osnov

Pravni osnov za donošenje ove odluke sadržan je u članu 18. tačka b) Ustava Kantona Sarajevo kojim je utvrđeno da Skupština Kantona donosi zakone i druge propise u okviru izvršavanja nadležnosti Kantona i čl. 38. stav (1) Ustava Kantona Sarajevo kojim je Skupštini Kantona dato u nadležnost da se finansiranje funkcija Kantona, između ostalog, može vršiti na osnovu zaduživanja kod banaka i drugih finansijskih organizacija, kao i članu 46. Zakona o budžetima u Federaciji BiH kojim je utvrđeno da se kanton može zaduživati ukoliko Skupština Kantona odobri zaduženje, odnosno izda garanciju. Članom 21. stav (3) Zakona o dugu, zaduživanju i garancijama u FBiH utvrđeno je da Skupština Kantona odobrava unutrašnje zaduženje za kapitalnu investiciju. Poglavljem II Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija, kojim je utvrđeno da Vlada donosi odluku o unutrašnjem zaduživanju, i dostavlja je Skupštini Kantona na davanje saglasnosti.

### Razlozi za donošenje ove odluke

Davanje saglasnosti na Odluku Vlade Kantona o unutrašnjem zaduženju, zasniva se na članu 1. Budžeta Kantona Sarajevo za 2011. godinu, kojim je utvrđeno da se dugoročnim kreditima kod domaćih banaka, u iznosu od 10.000.000,00 KM, obezbijedi finansiranje kapitalnih projekata od značaja za Kanton.

Obzirom da se radi o velikom iznosu kreditnih sredstava, koje niti jedna banka samostalno ne može obezbijediti, Vlada Kantona donijela je Odluku broj: 02-05-10700-39/11 od 12.04. 2011. godine, da se provede otvoreni postupak javne nabavke usluga dugoročnog kreditnog zaduženja Kantona Sarajevo u 2011. godini. Nakon provedenog postupka javne nabavke, otvorenog za međunarodnu konkurenciju, izvršen je odabir najpovoljnijeg ponuđača, te je ministar finansija donio Odluku broj: 08-01-14-11591/11 od 07.06.2011. godine o dodjeli ugovora za kredit u iznosu od 5.000.000,00 KM (petmiliona konvertibilnih maraka), UniCredit banci d.d. Mostar, kao najuspješnijem ponuđaču. Razlika od 5.000.000,00 KM bit će obezbijedena kreditom Razvojne banke FBiH. Jedan od uslova za odobravanje kredita od strane Banke je i donošenje ove odluke.

Dugoročni kredit UniCredit banka d.d. Mostar, daje pod sljedećim uslovima:

- Ukupan iznos kredita 5.000.000,00 KM,
- rok otplate 5 godina,
- grace period 2 godine (uključen u rok otplate),
- kamatna stopa 5,82%, na godišnjem nivou,
- naknada za obradu zahtjeva za pravna lica 5.000,00 KM, jednokratno, unaprijed.

Za plaćanje glavnice, kamate i drugih troškova bit će obezbijedena sredstva u Budžetu Kantona Sarajevo za svaku odgovarajuću godinu tokom otplate kredita.

Odluka Skupštine Kantona Sarajevo o davanju saglasnosti na Odluku o zaduženju, je uslov za potpisivanje ugovora o kreditu između Kantona Sarajevo i UniCredit banke. Ispred Kantona Sarajevo ugovor i mjenice (kao instrument obezbjeđenja redovne otplate kredita), potpisati će Ministar finansija.

Za tehničku realizaciju projekata iz ovog kredita zadužuju se resorna ministarstva čiji će se projekti finansirati, a za implementaciju i realizaciju ove odluke zadužuju se resorna ministarstva i Ministarstvo finansija, svako u okviru svoje nadležnosti.

U vrijeme otplate ovog kredita, iznos za servisiranje duga za ukupan unutrašnji i vanjski dug Kantona Sarajevo, neće preći limit određen članom 7. Zakona o dugu, zaduživanju i davanju garancija u FBiH (za 2011. godinu 3,09%, za 2012. 3,65%, za 2013. 7,71%, za 2014. 8,74%, 2015. 8,22% i 2016. 3,89%).